



Iah Thé:non ne Oién:kwara ne Ontario Kaianerénhsera 2005

Tsi Nahó:ten ki Kaianerénhsera Neniá:wen'ne tsi nenkwá ne tsi
Nonwéhshon Kahnhótónnion ne Onkwehshón:'a í:ien's

Karihwakwe'ní:io

- Iáh Thé:non ne Oién:kwara ne Ontario Kaianerénhsera enhatí:reke entewatáhsawen Onerahtokó:wa 31, 2006.
- Ki kaianerénhsera karihwáia'ks ne aiontshó:ko ne kahnhó:ton kanónhskon tsi iakoió'ténion tánon ne kahnhótónnion kanonhskónhshon tsi nonwéhshon ne ón:kwe í:ien's ne Ontario, oh naiá:iawen'ne aia-konónhstate ne iakoió'ténion tánon ne onkwehshón:'a ne tekeníhaton oién:kwara.

Tsi Nonwéhshon ne Kahnhótónnion ne Onkwehshón:'a Í:iens

Tsi nonwéhshon ne kahnhótónnion ne onkwehshón:'a í:ien's ne kén:tons ka'nón:we ne kanónhsote ne ón:kwe iontaweiá:tha, khóni' ne tsi iontenhninón:tha, kanónhskon malls, teiotska'honhkhwa, ionthnekahn-inión:tha, ionte'nikonhrioriá'thahkhwa, teiehwistaiéntákhwa, bingo tánon teietsihwaiéntákhwa, taxicabs, tánon limousines. Tsi non ionaktó:tahkwe ne iontshokwáhtha, (DRS), tsi kanataké:ron kaièn:tahkwe', ó:nen ki nen'ne 'eh karihwáien.

Akté:shon: Atste iohskwèn:nonte tánon Iontshokwáhtha wahskwáhere

Tóka tsi nón:we kahnhó:ton ió:ien ne átste' iohskwèn:nonte, iah thaón:ton aiontshó:ko tóka' karonhwe'náhere, khóni' tóka' ahsen:non'k ní:wa ne oronhkwé:na, tsi niió:re entisáhnhe tóka' eniokén:nore, tóka' ó:ni tenká:tahste' ne óweron, tsi ní:ioht ne kahnehtáhrhon táni' ó:ia nahó:ten, ne ki enwataná:tonhkwe karonhkwé'náhere. Ne sewatekhwahrá:tshera ne iontenonhsotákhwa ió:ien, iáh ne 'eh ne taontáshete tsiní:ioht ne oronhkwé:na nek tsi tóka' ki iontenonhsotákhwa 'eh ní:ioht tsi kakwatákwen tsi ní:ioht ne oronhkwé:na, sewatí:ren's ne enhrónia'te ne rakan'é:ions tánon tho ní:io tsi enhróhetste;. Ne rohtentiá:ton tóka' én:rehre ahakwatá:ko ne iontshokwáhtha ne átste', ó:nenk tsi tewahsónhtake khok enio'ién:take tánon karonhkwé'náhere.

Ronaterihwaién:ni ne Ronahtentiá:ton tánon ne Ronténhna's

Ronahtentiá:ton tánon ne ohén:ton iehón:nete ne:

- Orihwí:io aiakón:ni ne onkwehshón:'a ronaterièn:tare tsi karihwa'ia'ks ne aiontshó:ko
- É:ren shá:wit ne ion'kenhrià:ktha táni ne thé:non ne 'eh aiakónnia'te
- Orihwí:io iakón:ni tóhsa ónkwehshón:'a iontshó:ko ne raonatenatá:ke
- Oriwí:io aikón:ni ne ónhka iáh taiehsere ne kaianerénhsera tsi ensehsheia'tínekenhwe.
- Sohá:ren ne wathró:ris Tóhsa Satshó:ko tsi iontaweiá:tha, tsi tieiakénhstha átste' ieienhtákhwa tánon tsi nonwéhshon ne akwé:kon aiakotó:kenhse tsi karihwáia'ks ne aiontshó:ko.

Iakoterihwaién:ni ne onkwehshón:'a

Iáh ónhka thaón:ton aiontshó:ko tsi nonwéhshon ne kahnhotónnion.

Enkaianerenhserá:reke

Tsi senákere ata'karitáhtshera otióhkwa enhonten'nikón:raren ne thé:non aierihwatshén:ri ne iáh taiehsere, oh naiá:wen ahatíhsere ne kaianerénhsera.

Kahnihtshera

Iáh ne 'eh tekatokénhston tsi ní:kon enhotikaraièn:ta'ne Ronatentiá:tha. Ne 'eh tenhaia'tó:rehte ne niiorihwa'sa'ashón:'a rarihwènhta. Ne tseia'átshon tsi niió:re ne \$5,000 enwá:ton eniakokaraièn"tane.

Ki kahiatónhsera ne khok ka'nikonhraiéntáhtha. Tóka íhsehre ísi' non aesató:kenhse, aesathontá:ton iahsheiátken'se ne tsi senákere ata'karitáhtshera otióhkwa.

Ken' ó:ni enwá:ton enhsatewennáta, iah teioká:raien:

- **INFOline** 1-866-396-1760
- **TTY** 1-800-387-5559

Tsi nikahá:wi kahnhotónkwen: Awententa'ón'ke – Ronwaia'tanentaktónhne, 8:30am. – 5:00pm.

Ne ísi' non aesató:kenhse ne Iáh Thé:non ne Oién:kwara ne Ontario Kaianerénhsera, aesathontá:ton ken' sátken's ne Ministry ne Health Promotion tsi tewa:á:raton:
http://www.mph.gov.on.ca/english/health/smoke_free/legislation.asp.

Onerahtokó:wa 2006